



Broj: 06/3-50-1-76-34/11
Sarajevo 26.12.2011. godine

ZAPISNIK

35. sjednice Odbora za žalbe građana Parlamentarne skupštine Bosne i Hercegovine, održane 19.01.2012. godine

Tridestpetu sjednicu Odbora za žalbe građana Parlamentarne skupštine BiH sazvaio je Mate Miletić – predsjednik.

Sjednici Odbora, u svojstvu članova, prisustvovali su: Amela Bašić – prva zamjenica predsjednika, Borislav Radić – drugi zamjenik predsjednika, Ermin Pešto, Marijan Milićević, Danica Berić i Hamida Karčić - članovi, te Aida Kreho – privremeni sekretar Odbora za žalbe građana Parlamentarne skupštine Bosne i Hercegovine.

Sjednici su, također, prisustvovali Rasim Redžo iz Granične policije BiH, Predrag Krsmanović i Ramiz Škulj iz Državne agencije za istrage i zaštitu i Zoran Savić iz Direkcije za koordinaciju policijskih tijela.

Sjednica Odbora počela je u 14 sati.

Nakon što je konstatirano da postoji kvorum, predložen je sljedeći

DNEVNI RED

1. Usvajanje zapisnika sa 34. sjednice Odbora za žalbe građana Parlamentarne skupštine Bosne i Hercegovine;
2. Razmatranje predstavki na rad pripadnika Granične policije BiH, izvjestioci:
 - Mate Miletić (broj: 05/2-50-13-28-35-2/12);
 - Hamida Karčić (broj: 05/2-50-1-76-34-7/11);
 - Ermin Pešto (broj: 05/2-50-1-76-34-8/11)
3. Razmatranje predstavki na rad pripadnika Državne agencije za istrage i zaštitu, izvjestioci:
 - Marijan Milićević (broj: 05/2-50-1-76-33-2/11);
 - Borislav Radić (broj: 05/2-50-17-34-6/11)
4. Razmatranje predstavki na rad pripadnika Direkcije za koordinaciju policijskih tijela, izvijestilac:
 - Danica Berić (broj: 05/2-50-1-76-34-9/11)
5. Razmatranje nezavisne predstavke, izvjestioci:
 - Marijan Milićević (broj: 05/2-50-13-28-35-3/12);
 - Amela Bašić (broj: 05/2-50-13-28-35-1/12)

6. Razmatranje Prijedloga Izvještaja o radu Odbora za žalbe građana za 2011. godinu;
7. Utvrđivanje Orijentacionog plana rada Odbora za žalbe građana za 2012. godinu;
8. Tekuća pitanja.

Dnevni red jednoglasno usvojen.

Ad.1. Usvajanje zapisnika sa 34. sjednice Odbora za žalbe građana Parlamentarne skupštine Bosne i Hercegovine

Članovi Odbora *jednoglasno su prihvatili* Zapisnik sa 34. sjednice.

Ad.2. Razmatranje predstavki na rad pripadnika Granične policije BiH, izvjestioci:

- **Mate Miletić (broj: 05/2-50-13-28-35-2/12);**
- **Hamida Karčić (broj: 05/2-50-1-76-34-7/11);**
- **Ermin Pešto (broj: 05/2-50-1-76-34-8/11)**

Mate Miletić zadužen je, kao izvjestilac, za predstavku broj 05/2-50-13-28-35-2/12 od 06.01.2012. godine. Nakon što je članove Odbora upoznao sa sadržajem predstavke, g. Miletić je, u najkraćim crtama, prezentirao i Izvještaj nadležne agencije o ovom slučaju. Nakon analize predmeta i diskusije, izvjestilac je predložio a članovi Odbora *jednoglasno prihvatili* Izvještaj, kojim se utvrđuje da je predstavka neosnovana.

Hamida Karčić je određena kao izvjestilac za predstavku broj: 05/2-50-1-76-34-7/11 od 30.12.2011. godine. Gđa. Karčić je upoznala članove Odbora sa sadržajem predstavke te Izvještajem o izvršenim preliminarnim provjerama, koji su dostavljeni od Granične policije BiH. Zaključeno je da je predmet obrađen detaljno, te da je utvrđeno da su navodi iz predstavke netačni. Nakon toga, članovi Odbora su *jednoglasno prihvatili Izvještaj o predstavci*, kojim se predstavka ocijenila kao osnovana.

Ermin Pešto je, kao izvjestilac, zadužen za predstavku broj: 05/2-50-1-76-34-8/11 od 30.12.2011. godine. Nakon prezentiranja sadržaja predstavke, te Izvještaja o izvršenim preliminarnim provjerama, uslijedila je diskusija, te pitanja članova Odbora. Predstavnik Granične policije BiH dao je sva potrebna, dodatna, objašnjenja te su članovi Odbora na prijedlog izvjetioca, *jednoglasno prihvatili* Izvještaj Granične policije BiH u konkretnom slučaju i predstavku ocijenili kao neosnovanu.

Ad.3. Razmatranje predstavki na rad pripadnika Državne agencije za istrage i zaštitu, izvjestioci:

- **Marijan Milićević (broj: 05/2-50-1-76-33-2/11);**
- **Borislav Radić (broj: 05/2-50-17-34-6/11)**

Marijan Milićević je članove Odbora kratko podsjetio na sve okolnosti slučaja i razloge upućivanja predstavke broj: 05/2-50-1-76-33-2/11 od 17.11.2011. godine, te Zaključak Odbora prihvaćen na posljednoj sjednici prema kojem su članovi Odbora odlučili konačnu odluku donijeti po zaprimanju Izvještaja nadležne agencije. Obzirom da je do održavanja 35. sjednice Odbora Izvještaj zaprimljen, ispunili su se svi potrebni uslovi, te su ga članovi Odbora *jednoglasno prihvatili* i odbacili predstavku kao neosnovanu.

Borislav Radić je članove Odbora upoznao sa sadržajem predstavke broj: 05/2-50-17-34-6/11 od 31.12.2011. godine. Obzirom da se predstavka ne odnosi niti na jednog službenika konkretno, te da se slučaj koji se opisuje ne odnosi na povredu zakona nego internih akata nadležne agencije, zaključak izvjestioca bio je da je predstavka neosnovana, te da se, u skladu s tim, Izvještaj Državne agencije za istrage i zaštitu kojim se predstavka odbacuje kao neosnovana, prihvati. Članovi Odbora *jednoglasno su prihvatili* Zaključak.

Ad.4. Razmatranje predstavki na rad pripadnika Direkcije za koordinaciju policijskih tijela, izvjestilac:

- **Danica Berić (broj: 05/2-50-1-76-34-9/11)**

Danica Berić upoznala je članove Odbora sa sadržajem predstavke broj: 05/2-50-1-76-34-9/11 od 23.12.2011. godine. Nakon što je i predstavnik nadležne agencije dao dodatne informacije i pojašnjenja članovima Odbora, u smislu da je pokrenut interni postupak radi utvrđivanja odgovornosti policijskog službenika, te da će se, ako bude osnova, pokrenuti i disciplinski postupak odnosno da će eventualno pokretanje krivičnog postupka rezultirati njegovom suspenzijom. Međutim, postupak po predavci nije okončan, te se dalje razmatranje predstavke odložilo za jednu od narednih sjednica.

Ad.5. Razmatranje nezavisne predstavke, izvjestioci:

- **Marijan Milićević (broj: 05/2-50-13-28-35-3/12);**
- **Amela Bašić (broj: 05/2-50-13-28-35-1/12)**

Marijan Milićević obavijestio je članove Odbora o detaljima predstavke broj: 05/2-50-13-28-35-3/12 od 09.01.2012. godine. Predložen je zaključak da Odbor za žalbe građana nije nadležan da razmatra dostavljenu predstavku, te da se podnosilac predstavke obavijesti o tome. Zaključak je *jednoglasno prihvaćen*.

Amela Bašić je, kao izvjestilac, upoznala članove Odbora sa sadržajem predstavke broj: 05/2-50-13-28-35-1/12 od 06.01.2012. godine. Obzirom da se radi o predavci za koju Odbor nije nadležan, *jednoglasno je prihvaćen Zaključak* da se o tome obavijesti podnosilac predstavke,

te da se predstavka uputi nadležnom organu, odnosno organu koji bi mogao pružiti pomoć u konkretnom slučaju.

O tački 6. *Razmatranje Prijedloga Izvještaja o radu Odbora za žalbe građana za 2011. godinu* i 7. *Utvrđivanje Orijentacionog plana rada Odbora za žalbe građana za 2012. godinu*, članovi Odbora odlučili su raspravljati na narednoj sjednici.

Ad.8. Tekuća pitanja

Rasparava o ovoj tački Dnevnog reda nije vođena.

Sjednica Odbora za žalbe građana završena je u 15:30 sati.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić